

## Oraziun duront il temps da Corona

### Litania en honur a sogn Bistgaun

*Sogn Bistgaun ei il patrun en temps da malsognas contagiusas ed epidemias. Nus rughein el per l'intercessiun da Diu, per tut ils carstgauns ch'ei pertuccai dalla crisa da Corona. Lein rugar Diu ch'el fetschi puspei sauns tut ils malsauns.*

*La litania en honur a sogn Bistgaun ei ina oraziun veglia per temps da crisa:*

Enten num dil Bab, e dil Fegl, e dil Spert sogn. Amen.

Segner, pren puccau. A: Segner, pren puccau.  
Cristus, pren puccau. A: Cristus, pren puccau.  
Segner, pren puccau. A: Segner, pren puccau.  
Cristus teidla nus. A: Christus, exauda nus.

Diu, Bab en tschiel, A: pren puccau da nus!  
Fegl da Diu, spindrader dil mund, A: pren puccau da nus!  
Sogn Spert, A: pren puccau da nus!  
Sogn Diu dalla trinitad, A: pren puccau da nus!

Sontga Maria, A: roga per nus!  
Ti regina dils marters, A: roga per nus!

Sogn Bistgaun, A: roga per nus!!  
Ti marter nunsurventscheivel, A: roga per nus!  
Proclamader digl Evangeli,  
Protegider da malsognas contagiusas,  
Consolader dils moribunds,  
Gidonter dils Cristians en suffrientscha e mort,

Sogn Bistgaun, survient da Diu, A: roga per nus!  
Sogn Bistgaun, virtuos e sabis,  
Sogn Bistgaun, pussents en plaid e fatgs,  
Sogn Bistgaun, perseveronts enten la cardientscha,  
Sogn Bistgaun, blessaus da paliats,  
Sogn Bistgaun, mazzaus entras bastuns,  
Sogn Bistgaun, encorunaus cun gloria eterna,  
Sogn Bistgaun, intercessur dils fleivels,

Tut vus sogns marters, A: rughei per nus!  
Tut vus sogns aunghels ed arzaunghels, A: rughei per nus!  
Tut vus sogns da Diu, A: rughei per nus!

Lein rugar:  
**Tutpussent, perpeten Diu,  
Ti has dau a nus il marter sogn Bistgaun  
sco exempel en la cardientscha  
e gidonter en temps da prighel d'epidemia.  
Exauda buntadeivlamein noss'oraziun  
che nus drizzein plein speranza a Ti.  
Protegia nus da tut las infecziuns  
entras malsognas ed epidemias,  
denton era entras errur e corrupziun.  
Gida tut ils malsauns e dai ad els la sanadad;  
conserva tut ils carstgauns da puccau ed allontanaziun da Tei.  
Ti che vivas e regias cun Jesus Cristus ed il Spert Sogn  
da perpeten, en perpeten. Amen.**

V: O sogn Bistgaun, roga per nus.  
A: Per che nus daventien vengonz dallas empermischuns da Cristus.